

靈光柳氏族譜序

聖人治天下必貴宗族宗者爲先祖主也人所尊也族者  
湊也聚也有會聚之道故謂之族古者貴宗族而未有譜  
也今譜之者上而遠者恐其或失也旁而疎者恐其或遺  
也不失不遺則入道厚矣經父之服爲斬衰祖齊衰不杖  
期曾祖齊衰五月高祖三月於同祖同曾祖同高祖亦以  
月數殺之有上治者有旁治者余觀於四宗五服之圖而  
知圖爲譜之本譜爲圖之推也宗子有事於廟則會同姓  
於堂下賚取解酬長兄弟於阼階長兄弟酬衆賓於西階  
左爲昭右爲穆也是族酬之禮有譜之義焉爲其塚也畫



其兆而定其位父居於上子居於下衆子衆孫各從其所  
出而附之雖百世其倫不亂也是邱封之制有譜之法焉  
余嘗謂自宗法廢先王尊祖敬宗收族之意屢有存者惟  
譜爲然於乎不綦重哉蓋氏族之學莫盛於晉唐凡官人  
選舉稽譜牒庶姓具藏有司路敬淳蕭穎士之流尤以譜  
學著而近俗專門從事者闕如鄉曲衰族於四祖以上五  
服以外不詳其世次名諱者有之不但旅酬邱封之不講  
而已可慨也已余觀箕城柳氏之譜其先祖翰林公淳有  
子四人各有食邑其後又有封靈光者箕城靈之別號也  
八本朝亦多名公顯仕皆載於譜譜重刊行世者幾六



十年久而不修其門中諸人方議鋟梓其後孫東奎以解  
員來京師請序於余蓋其先祖資議公諱斗明爲吾先祖  
敬烈公之壻以今視之後屬雖疏顧其先則均是姻戚余  
不可以老病辭遂書其尊祖敬宗收族爲譜之始者俾今  
世之人有所勸焉周禮小宗伯掌三族之別以辨親疎又  
以八刑糾萬民三曰不睦之刑族有親有疎疎而益睦者  
爲難誠使今之世類講譜牒之學不徒以門第高人而知  
親之睦之之義則其有補於世道者豈尠乎哉

崇禎紀元後四甲午季春議政府領議政

世子師致仕奉 朝賀宜寧南公轍序



靈光柳氏族譜舊序

若稽柳氏其來古矣粵自軒帝至王孔甲有弟而命掌  
擾龍之役及累而逃與之同避而逸於東土此其爲玄  
祖云降及箕聖之東封也有一土山人應箕聖碩德之選  
而贊畫井田之制奉宣八教之化天秩人彝之丕釵東土  
者公之力多焉以其功賜姓王以所居一土象王字之義  
也其後自王而五易姓爲文化柳氏自文化而繼受采邑  
分爲完山晉陽瑞寧箕城柳氏曰箕城卽吾柳也我九世  
祖文襄公以晉陽君之裔爲我端廟祖朝三莒靖難功  
臣以皇明景泰十三年受封於箕城原其本實其惟晉



陽乎今按晉陽本譜歷敘 大承公以後諸公至我十四  
世祖朝清郎箕城郡事公而止自我十三世祖觀察公以  
至箕城武陽諸公而不載焉此則以晉陽本譜之作在吾  
柳移貫箕城之後故分之以異貫之柳而不載者也吾家  
則 箕城君以後世代甚近族姓孔鈔不立別譜而然猶  
郡事公以後累世姓諱文章德業昭載 國史與家乘皎  
然若昨日事近代以前無譜之何傷焉躋歟盛矣惟我柳  
氏之爲 軒帝之後一土之裔者稽諸往牒猶可考信而  
雖就 大承公以後諸公至我九世祖文襄公而言之上  
下乎吾東 國子有餘載之間維持乎禮樂文物表準乎



文章節義使吾青邱一域贏得小中華之稱者庸非我先  
祖諸公世篤先烈繼振合聲大鳴 國家之鴻熙而然者  
耶猗我觀察公肇居南原黃竹里第而子孫因家焉其間  
日月爲三百餘年世代亦至十三四矣顧以年代之寢遠  
雲仍之寔繁爲奠城後裔者散居列郡遠是數百里之餘  
近又東西之隔絕矣見今吾宗之世居南原者遵守敦睦  
之風紹述友悌之道雖在總功無服之親凡所以死喪憂  
恤之誼疾病保養之方一如同室間親兄弟也及在列邑  
遠居諸宗不獨吉凶間吊慶之相閱甚至渾不識名字爲  
何行第爲何一與胡越之度外相忘者不甚相遠而不如



逆旅人路上相逢一鞭相揖則初以一人之裔終爲秦越  
之歸者茲非惕然而牀盡然而傷者耶處和以是病之向  
與兩從兄應和景和氏講修譜之方不幸兩從兄俱以衰  
年疾病齋志未就遽已棄世矣茲就宗叔應瑞氏從侄尚  
采三從侄尚恒而議之咸曰修譜人家盛事而吾宗未逞  
之典也曷不同聲而先後耶尚采任掌物資而始終經畫  
之尚恒奔告遠近諸宗叔聚各家文牒而歸與應瑞氏次  
考據而日夜罔懈應瑞氏修潤譜牒之暇兼與吾講經紀  
之方未及一年而告成靡三君之賢勞以吾疎逖何能亟  
成之如是乎譜成之日按譜而上下之我 先祖諸公之



忠孝節義文章德業昭載一譜之中而明如日星炳若丹青儼然若親傾陟降之靈而祇承警誨之音則自不覺孝敬之心油然而流出於中矣下而諸宗之散居南北不知行第者備述一譜之內而亦得以知某之爲某公之裔某派之分是叔弟是侄還與竹里諸宗之源源相從者無間則亦不覺友悌之心藹然萌動於懷矣是知程朱諸賢必以修宗譜立宗子法把作扶世道植人彝一大方而汲汲於章劄之間者誠有以也噫歲久而譜湮泐遠而親踈自是理數之常也釐州葉氏家必以三十年一會宗人重修舊譜者非爲是之慮耶惟願吾宗諸君一依葉氏家宗法未



及是譜之湮而重修新譜齊會遠居之宗而益勉敦睦無  
替爲忠孝古家則是譜之作永有功於百世之遠矣俞曰  
俞把筆而書之時

崇禎紀元後三戌戌六月之日也箕城君九世孫處和謹

識



跋

粵自 大承公以後我柳之散處一國者殆以萬數而  
各有譜牒以別其派獨吾派則無之豈不慨然也哉  
晉陽公之子 朝清郎移封箕城一傳而觀察使三傳  
而文襄公四傳而 武襄公名位不爲不達功勳不爲  
不美而譜牒則闕焉豈古有而今無耶抑失於兵燹而  
然耶自厥以後世代與昭穆只載於家乘而尚未成譜  
略于子孫各居他邑者漸至於不相識不相識則路人  
也以一人之裔而至於路人者其可乎吾以是爲憂有  
志於修譜而識見淺薄智慮踈透未克遂計者積有年



矣何幸宗侄處和深思遠圖收合文卷鳩聚財力未滿  
一年剗劖告成豈非吾門之大慶也哉余不勝喜幸之  
心謹誌於譜末

崇禎紀元後三戌戌奠城君八世孫漢相謹跋



跋

譜惡乎譜譜吾譜也惟我柳氏本質文化而粵自大  
承公以後建及文襄公為我端廟朝靖亂功受封移  
貫卽箕城也自文化而晉陽自晉陽而箕城者審矣暨  
乎觀察公始居南原開基黃竹載在邑誌族姓甚夥雖  
不立別譜稽諸往牒自大承公至文襄公連世諸公  
世德遺烈文章事業煌煌炳炳昭載國史爛若可考  
躋乎休哉噫派分寢遠各居散處不知某派之為某派  
吉慶死喪頓無相問敦睦之誼仁厚之風掃地盡矣古  
人所謂一人之身分以至於路人者匪是之謂乎茲庸



先王考爲是慨然修譜牒連世編系有志未就七寸叔  
處和氏適追先志發文諸宗克成此譜嗟我宗人一觀  
吾譜孝悌之心油然而生矣大易之所以類族特揭也

先儒之必以敦親爲警也此譜之成其在斯歟其在斯  
歟

上之卽位三年戊戌之閏月後孫尚孝謹跋



序

易曰類族特揭書曰仁親爲寶譜之刊成嗚呼亦盛矣乎噫人之本支譬猶水之源派木之根枝源而派故北海南溟溯其源則一矣根而枝故千枝萬葉究其根則一矣可以人而能無一源一根之理乎若稽我柳之本源粵自

軒帝降及箕聖之東封也有一土山人應箕聖碩德之

選賜姓王氏以其所居一土象王字之義也其後自王而

五易姓田申車爲柳氏貫文化自文化至翰林學士公諱

淳有子四人長曰贊成諱成庇封文化君次曰諱成澗

封瑞山君次曰諱良梓封全州君次曰諱仁庇封晉



陽君晉陽君有子二人長曰少尹諱蕙孫次曰朝清郎  
諡翊襄諱蕙芳 封靈光君靈光之柳自茲始焉至于中  
代諱資澤以全羅觀察使流落南鄉始居于南原府東黃  
竹里及至四世長曰諱子煥行吏曹判書 諡文襄公  
封箕城君箕城即靈之別號也次曰生負諱子哲居雲峯  
者為其後次曰子光居谷城者為其後箕城君之子吏曹  
叅判 封武陽君諱房有子五人長曰副護軍諱承露自  
潭陽移居南原科里者為其後次曰忠義衛諱承霧居南  
原白巖與晉州者為其後次曰進士諱承雲南原山洞居  
者為其後次曰中樞府事諱承霖居南原梅岾者為其



後次日副司直諱承坤居南原黃竹者爲其後也自來道  
德與節義文章行贈間名宦鬼勲非不昌赫而封諡之  
牒當日太史氏想必收錄於簡冊狀德之文其時賢君子  
已爲著錄於傳紀矣累經兵燹之餘盡失無傳不勝慨惜  
以吾裔孫間多路人之歎吾宗先輩長老爲是之懼徃在  
戎戍勘設譜系者迨近百歲之久而紙地已毛字畫亦渝  
宗議咸以是病之去甲午春箕城君十一世孫季父進士  
公諱東奎號白石已受書於南相公轍氏未遑卒藁矣至  
于今秋不肖載烈妄不自揆敢生重刊之計詢議於族叔  
星台氏輯成一部家譜焉嗚呼凡我同源之人益復勉旃

哉觀此譜則孝悌之心亦庶乎復興矣追述祖先遺蹟略  
陳僉宗敦睦之厚誼於是乎書

崇禎後四丁巳十月日後孫載烈謹序



靈光柳氏族譜卷一

始祖

一世

柳車達

初諱海字

應通號鵝

沙後梁貞

明高麗太

祖通合三

韓翊贊壁

上二等功

臣大丞○

墓黃海道

九月山南

配新羅金氏

二世

子孝金

左尹大匡

伯文化君

仍為姓貫

三世

子金奐

大將軍中

尹

四世

子盧一

檢校大將

軍

五世

子寶春

檢校少監

六世

子寵